

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 25 NOVEMBER 2013, PUKUL 10.00 PAGI

Bil. 44

PERTANYAAN-PERTANYAAN BAGI JAWAB LISAN

1. PR-1313-L58248
Dr. Noor Azmi bin Ghazali [Bagan Serai] minta **MENTERI PENDIDIKAN** menyatakan apakah peranan masyarakat dan PIBG yang boleh membantu menjayakan PPPM dan apakah sumbangan atau insentif yang boleh diberikan pada PIBG untuk suntik semangat masyarakat memajukan sekolah.
2. PR-1313-L59026
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan cadangan pembinaan pusat perpindahan banjir yang tetap di kawasan berisiko tinggi berlaku banjir setiap tahun kerana penggunaan bangunan sekolah untuk dijadikan pusat perpindahan banjir menyebabkan banyak kelengkapan sekolah rosak dan hilang.
3. PR-1313-L57355
Tuan Haji Ahmad Nazlan bin Idris [Jerantut] minta **MENTERI SUMBER ASLI DAN ALAM SEKITAR** menyatakan langkah-langkah yang diambil untuk penguatkuasaan dan pelaksanaan undang-undang terhadap syarikat-syarikat yang mencemarkan alam sekitar serta apakah data dan status terkini bilangan syarikat-syarikat yang telah didakwa.
4. PR-1313-L57684
Dato' Ngeh Koo Ham [Beruas] minta **MENTERI DALAM NEGERI** menyatakan sama ada *Common Law Marriage* masih diiktiraf di Malaysia selepas pelaksanaan *Law Reform (Marriage & Divorce) Act 1976*.
5. PR-1313-L58106
Datuk Sapawi bin Ahmad Wasali [Sipitang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sejauh mana persediaan dibuat bagi melengkapkan anggota Jabatan Bomba & Penyelamat (JPBM) di Sabah untuk menghadapi kes-kes melibatkan gas/kimia berikutan wujudnya Projek SAMUR dan SGOT yang berasaskan minyak dan gas di Kimanis dan Sipitang.

6. PR-1313-L58557
Tuan Wan Hasan bin Mohd Ramli [Dungun] minta **MENTERI PENDIDIKAN** menyatakan apakah bebanan dan implikasi yang ditanggung oleh peminjam PPTPN sekiranya gagal menjelaskan pinjaman berkenaan.
7. PR-1313-L58744
Tuan Haji Zainudin bin Ismail [Jelebu] minta **MENTERI BELIA DAN SUKAN** menyatakan :-
 - (a) jumlah orang yang telah berdaftar sebagai pengundi Parlimen Belia Malaysia; dan
 - (b) kriteria-kriteria untuk memilih pengundi Parlimen Belia.
8. PR-1313-L57463
Tuan Shamsul Iskandar bin Mohd Akin [Bukit Katil] minta **MENTERI SUMBER ASLI DAN ALAM SEKITAR** menyatakan perkembangan terkini tentang penyediaan draf Rang Undang-Undang Akses kepada Sumber Biologi dan Perkongsian Faedah (RUU ABS), iaitu undang-undang yang diadakan bagi melindungi khazanah biodiversiti negara.
9. PR-1313-L58781
Dato' Henry Sum Agong [Lawas] minta **MENTERI PERTANIAN DAN INDUSTRI ASAS TANI** menyatakan adakah Kerajaan bersedia memberi fokus kepada usaha untuk meningkatkan hasil produk pertanian, ternakan, nelayan dan perladangan yang boleh meningkatkan ekonomi bagi jangka masa panjang berbanding dengan pemberian subsidi yang bersifat sementara dan bergantung dengan kemampuan kewangan semasa Kerajaan.
10. PR-1313-L57939
Tuan Wong Tien Fatt @ Wong Nyuk Foh [Sandakan] minta **MENTERI KEWANGAN** menyatakan berapakah jumlah hutang negara setakat 30 Jun 2013, dan nisbah hutang ini kepada GDP negara. Berapakah jumlah itu jika termasuk semua liabiliti kontingen (*contingent liability*) seperti jaminan yang diberi oleh Kerajaan Persekutuan, semua Kementerian, agensi-agensi Kerajaan Persekutuan, dan syarikat-syarikat dimiliki Kerajaan Persekutuan.
11. PR-1313-L57207
Dato' Haji Mohd Zaim bin Abu Hasan [Parit] minta **MENTERI DALAM NEGERI** menyatakan apakah tindakan pihak Kementerian untuk mengatasi masalah kesesakan depoh tahanan hasil tindakan pihak berkuasa untuk menangkap pendatang tanpa izin (PATI) dalam operasi pembersihan besar-besaran yang dilaksanakan.
12. PR-1313-L58719
Dr. Ong Kian Ming [Serdang] minta **MENTERI PENDIDIKAN** menyatakan status pembinaan Sekolah Rendah Jenis Kebangsaan (Cina) di Bandar Sungai Long.

13. PR-1313-L58823
Datuk Koh Nai Kwong [Alor Gajah] minta **MENTERI KESIHATAN** menyatakan apa langkah-langkah yang akan diambil oleh Kementerian untuk menambah atau mengatasi kekurangan jumlah pakar kardiologi yang kritikal dalam perkhidmatan rawatan hospital untuk masa depan.
14. PR-1313-L58856
Tuan V. Sivakumar [Batu Gajah] minta **MENTERI LUAR NEGERI** menyatakan sejauh manakah penglibatan dan komitmen Malaysia dengan negara-negara Komanwel. Apakah langkah-langkah yang diambil untuk mengeratkan hubungan diplomatik dan ekonomi dengan negara-negara Komanwel.
15. PR-1313-L58245
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan langkah-langkah khusus yang telah, sedang dan akan dilaksanakan oleh pihak Kementerian untuk memastikan tahap pembangunan di kawasan luar bandar seperti di Baram dapat dipertingkatkan selaras dengan misi negara ke arah mencapai Wawasan 2020.
16. PR-1313-L58775
Puan Hajah Fuziah binti Salleh [Kuantan] minta **MENTERI PENDIDIKAN** menyatakan sejauh mana Kementerian telah menunaikan akujanji tambahan PRU13 untuk meningkatkan peruntukan kepada UiTM agar sebuah kolej baru dapat didirikan bagi membolehkan pengambilan 10000 pelajar miskin setahun di bawah Program Mengubah Destinasi Anak Bangsa.
17. PR-1313-L57166
Tuan Masir Kujat [Sri Aman] minta **MENTERI PENDIDIKAN** menyatakan sama ada Kementerian akan mengkaji untuk menambah kemudahan prasarana di Jabatan Pendidikan Daerah seperti penyediaan sebuah bas dan lain-lain yang perlu untuk kegunaan guru-guru/murid-murid selaras dengan Pelan Pembangunan Pendidikan Malaysia yang telah dilancarkan baru-baru ini.
18. PR-1313-L57198
Dr. Che Rosli bin Che Mat [Hulu Langat] minta **MENTERI SAINS, TEKNOLOGI DAN INOVASI** menyatakan sejauh mana agensi Kerajaan dan swasta memanfaatkan perkhidmatan penyinaran yang ada di Agensi Nuklear Malaysia, Bangi.
19. PR-1313-L59044
Dato' Abdul Manan bin Ismail [Paya Besar] minta **MENTERI PENDIDIKAN** menyatakan jumlah Sekolah Rendah Kebangsaan dan Sekolah Menengah Kebangsaan yang mempunyai Facebook dan laman blog sendiri sebagai satu wadah penyampaian berkesan kepada ibu bapa dan para pelajar.

20. PR-1313-L57310
Dr. Azman bin Ismail [Kuala Kedah] minta **MENTERI KESIHATAN** menyatakan garis panduan Kementerian berkenaan sponsorship firma-firma ubat terhadap seminar dan kursus yang dihadiri doktor dan kakitangan perubatan. Apakah wujud lobi firma ubat dalam menentukan jenis ubat yang digunakan oleh Kementerian.
21. PR-1313-L58149
Tuan Che Mohamad Zulkifly bin Jusoh [Setiu] minta **MENTERI KEWANGAN** menyatakan sejauh manakah nisbah hutang isi rumah kepada Keluaran Dalam Negara Kasar (KDNK) yang berkembang 13 peratus kepada 83 peratus berbanding 70 peratus pada tahun 2009 telah memberi kesan kepada paras hutang isi rumah negara ini dan nyatakan sama ada Kerajaan bercadang untuk melaksanakan langkah kawalan kredit.
22. PR-1313-L58358
Tuan Haji Khalid bin Abdul Samad [Shah Alam] minta **MENTERI PENGANGKUTAN** menyatakan berapakah jumlah saman AES yang telah dikeluarkan dan berapakah jumlah keuntungan yang diterima oleh syarikat penyelia perkhidmatan AES.
23. PR-1313-L58173
Dato' Wira Othman bin Abdul [Pendang] minta **MENTERI BELIA DAN SUKAN** menyatakan :-
- (a) apakah langkah-langkah baru Kementerian untuk mengatasi kelesuan pergerakan persatuan-persatuan belia daerah-daerah; dan
 - (b) berapakah jumlah peruntukan setahun diberikan kepada Pejabat Belia Daerah untuk mengendalikan program ilmu dan kemasyarakatan belia-belia di sesuatu daerah.
24. PR-1313-L57649
Tuan Sim Tze Tzin [Bayan Baru] minta **MENTERI DALAM NEGERI** menyatakan jumlah banduan yang menjalani hukuman mati dari 2008 hingga 2012. Nyatakan statistik mengikut kewarganegaraan, kaum dan gender, tahun demi tahun. Adakah Kerajaan bercadang untuk memansuhkan hukuman mati yang tidak berperikemanusiaan.
25. PR-1313-L58161
Dato' Seri Reeza Merican bin Naina Merican [Kepala Batas] minta **MENTERI PENDIDIKAN** menyatakan apakah keputusan memansuhkan Peperiksaan Menengah Rendah (PMR) pada tahun 2014 sebagai suatu keputusan yang sudah muktamad. Apakah jaminan Kementerian bahawa Sistem Pentaksiran Berasaskan Sekolah (SBA) sudah cukup cekap dan sifar kelemahan.

26. PR-1313-L57402
Tuan Wong Chen [Kelana Jaya] minta **PERDANA MENTERI** menyatakan :-
- (a) jika pihak Kerajaan telah menjalankan satu kajian kesan ekonomi berhubung dengan projek keretapi berkelajuan tinggi KL-SINGAPURA; dan
 - (b) butiran kajian kesan ekonomi tersebut.
27. PR-1313-L57858
Datuk Ahmad Jazlan bin Yaakub [Machang] minta **MENTERI PENDIDIKAN** menyatakan langkah Kerajaan bagi pengantarabangsaan karya sastera negara dan nyatakan peranan yang telah diambil oleh Dewan Bahasa dan Pustaka (DBP) dan Institut Terjemahan & Buku Malaysia (ITBM) bagi menterjemahkan karya Sasterawan Negara dan SEA Write Award bagi mengangkat martabat karya sastera negara ke peringkat global.
28. PR-1313-L58777
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan sama ada Kerajaan akan mengkaji semula kedudukan cuti hari-hari kebesaran yang tidak melibatkan acara keagamaan yang jatuh di tengah minggu dibawa ke sama ada hari Jumaat atau Isnin bagi meningkatkan produktiviti pekerja Malaysia.
29. PR-1313-L57710
Tuan Rozman bin Isli [Labuan] minta **MENTERI PELANCONGAN DAN KEBUDAYAAN** menyatakan apakah pendekatan baru atau strategi yang akan digunakan oleh Kerajaan dalam menarik lebih ramai pelancong asing ke Malaysia sempena Tahun Melawat Malaysia 2014.
30. PR-1313-L58486
Tuan Ahmad Baihaki bin Atiqullah [Kubang Kerian] minta **PERDANA MENTERI** menyatakan dalam Rancangan Malaysia (RMK-8, RMK-9 dan RMK-10) untuk negeri Kelantan, berapa peratuskah projek yang telah dilaksanakan mengikut perancangan dan peruntukan yang disediakan.
31. PR-1313-L58641
Datuk Bung Moktar bin Radin [Kinabatangan] minta **MENTERI PERTAHANAN** menyatakan tentang tahap kesiapsiagaan serta peralatan dan alat-alat persenjataan Angkatan Tentera Malaysia.
32. PR-1313-L58523
Tuan Mohamed Azmin bin Ali [Gombak] minta **PERDANA MENTERI** menyatakan apakah langkah-langkah yang diambil oleh Unit Penyampaian dan Pengurusan Prestasi (PEMANDU) dalam usaha memerangi amalan rasuah dan nyatakan pencapaiannya.

33. PR-1313-L57487
Tuan Jeff Ooi Chuan Aun [Jelutong] minta **MENTERI PERDAGANGAN ANTARABANGSA DAN INDUSTRI** menyatakan apakah Malaysia telah membuat keputusan muktamad untuk menolak dan mengundur diri daripada menyertai perjanjian Perkongsian Trans-Pasifik (TPP) atas sebab-sebab kedaulatan negara.
34. PR-1313-L58015
Tuan Lim Guan Eng [Bagan] minta **MENTERI PELANCONGAN DAN KEBUDAYAAN** menyatakan jumlah dan kos lawatan luar negeri yang dijalankan oleh Menteri berkenaan untuk setiap bulan sejak 2010 dan nyatakan usaha yang dibuat untuk mempromosikan pelancongan dan kebudayaan di Pulau Pinang termasuk tempat dan jumlah perbelanjaan.
35. PR-1313-L58940
Datuk Noor Ehsanuddin bin Mohd Harun Narrashid [Kota Tinggi] minta **MENTERI PENGANGKUTAN** menyatakan langkah yang telah dilaksanakan dalam membangunkan sektor maritim negara dan berapakah jumlah syarikat Bumiputera dan tempatan yang terlibat di dalam industri ini.
36. PR-1313-L57895
Dato' Kamarul Baharin bin Abbas [Telok Kemang] minta **MENTERI PELANCONGAN DAN KEBUDAYAAN** menyatakan apakah Kementerian mempunyai perancangan untuk menambah baik usaha konservasi warisan-warisan sejarah seumpama Kompleks Sejarah Pengkalan Kempas dan Kota Lukut di Port Dickson.
37. PR-1313-L57548
Dato' Fauzi bin Abdul Rahman [Indera Mahkota] minta **MENTERI PENDIDIKAN** menyatakan apakah rasional merujuk lalu membayar RM20 juta kepada perunding luar iaitu McKinsey and Co. dalam merancang Pelan Pembangunan Pendidikan Malaysia (PPPM).
38. PR-1313-L58725
Tuan Lim Lip Eng [Segambut] minta **MENTERI PELANCONGAN DAN KEBUDAYAAN** menyatakan statistik warga asing yang berhijrah ke Malaysia dengan menyertai program 'Malaysia Rumah Keduaku' (MM2H) mengikut nama negara asal mereka dan tahun sejak program itu mula diperkenalkan pada 2002. Adakah cadangan meningkatkan kriteria menyertai MM2H.
39. PR-1313-L58081
Datuk Haji Abdul Azeez bin Abdul Rahim [Baling] minta **MENTERI PERTANIAN DAN INDUSTRI ASAS TANI** menyatakan usaha dan langkah yang diambil bagi menaik tarafkan golongan nelayan pesisir pantai kepada aktiviti laut dalam.
40. PR-1313-L57255
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan bahawa perkhidmatan penjawat awam apabila mencapai usia persaraan 60 tahun tidak akan dilanjutkan tanpa mengira kedudukan dan jawatan yang disandang demi menjaga moral penjawat awam bawahan.

41. PR-1313-L58422
Dato' Johari bin Abdul [Sungai Petani] minta **PERDANA MENTERI** menyatakan :-
- (a) berapakah jumlah Perjawatan Tetap dan Kontrak di Suruhanjaya Pengangkutan Awam Darat (SPAD); dan
 - (b) apakah mekanisma yang ada bagi Pegawai SPAD, polis dan JPJ menjalankan tugas secara bersepadu agar tidak timbul pertindihan tugas dan fungsi.
42. PR-1313-L58313
Dato' Ahmad Fauzi bin Zahari [Setiawangsa] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapa jumlah sebenar rumah mampu milik yang dapat disiapkan oleh Kerajaan dalam masa 5 tahun daripada sekarang dan lokasinya.
43. PR-1313-L57457
Datuk Chua Tee Yong [Labis] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tindakan yang akan diambil oleh Kerajaan selain program perumahan PR1MA, untuk membantu golongan muda untuk membeli rumah di Lembah Klang dan Iskandar Johor yang semakin mahal.
44. PR-1313-L58686
Tuan Ignatius Dorell Leiking [Penampang] minta **MENTERI DALAM NEGERI** menyatakan jumlah pendatang tanpa izin (PTI) yang ditangkap dan dihantar balik di setiap daerah di Sabah selepas pengumuman operasi menangkap PTI oleh menteri pada 1 September 2013.
45. PR-1313-L57713
Tuan Seah Leong Peng [Telok Intan] minta **MENTERI PERTAHANAN** menyatakan berapakah rekod kematian dan sebab-sebab kematian yang melibatkan pelatih-pelatih PLKN bermula dari tahun 2004 sehingga kini.
46. PR-1313-L58926
Tuan Zairil Khir Johari [Bukit Bendera] minta **MENTERI BELIA DAN SUKAN** menyatakan sama ada Kementerian berhasrat untuk menyemak semula takrifan belia negara ini (15-40 tahun) yang jauh berbeza dengan takrifan Pertubuhan Bangsa-bangsa Bersatu (15-24) mahupun negara serantau seperti Brunei (15-35) dan Singapura (15-30).
47. PR-1313-L58060
Tuan Khoo Soo Seang [Tebrau] minta **MENTERI PELANCONGAN DAN KEBUDAYAAN** menyatakan prosedur untuk memohon menjadikan bangunan bersejarah warisan negara.
48. PR-1313-L58902
Tuan Anuar bin Abd. Manap [Sekijang] minta **PERDANA MENTERI** menyatakan apakah langkah-langkah yang diambil Kerajaan bagi membantu seseorang yang diisytiharkan bankrap agar tidak dinafikan hak mendapatkan pekerjaan bagi membolehkan golongan ini menjelaskan hutang mereka.

49. PR-1313-L58402
Tuan Fong Kui Lun [Bukit Bintang] minta **PERDANA MENTERI** menyatakan memandangkan dasar/tindakan afirmatif ekonomi Kerajaan selama ini menyebabkan ketidakseimbangan pendapatan antara kaum, bagaimanakah program transformasi nasional dan model ekonomi baru tidak terjejas dengan langkah memperkasakan ekonomi Bumiputera.
50. PR-1313-L57971
Dato' Haji Abdul Rahman bin Haji Mohamad [Lipis] minta **MENTERI PELANCONGAN DAN KEBUDAYAAN** menyatakan apakah aktiviti yang membantu membangun dan mempromosikan pelancongan di Parlimen Lipis dan perancangan pada masa akan datang yang akan dilakukan oleh pihak Kementerian bagi memajukan sektor pelancongan di Parlimen Lipis kerana terdapat banyak kawasan pelancongan yang boleh dijadikan pusat pelancongan khusus kesan-kesan peninggalan sejarah.
51. PR-1313-L57238
Dato' Seri Anwar bin Ibrahim [Permatang Pauh] minta **PERDANA MENTERI** menyatakan kewajaran PETRONAS melepaskan pelaburan dalam Progress Energy Resources Corp. (Kanada), Engen Petroleum (Afrika Selatan) Centrica Plc (UK), projek hidrokarbon Uzbekistan dan penarikan diri daripada projek Petrocarabobo (Venezuela).

ATURAN URUSAN MESYUARAT DAN USUL-USUL

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (21 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 6. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |

7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “

[Menteri di Jabatan Perdana Menteri]

8. (D.R. 10/2013) Rang Undang-undang Kanun Tatacara Jenayah (Pindaan) 2013 “

[Menteri di Jabatan Perdana Menteri]

9. (D.R. 12/2013) Rang Undang-undang Keterangan (Pindaan) 2013 “

[Menteri di Jabatan Perdana Menteri]

10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

[Menteri Pelancongan dan Kebudayaan]

11. (D.R. 20/2013) Rang Undang-Undang Dadah Berbahaya (Pindaan) 2013 “

[Menteri Kesihatan]

12. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.55	Laporan Tahunan dan Penyata Kewangan Lembaga Totalisator Malaysia Bagi Tahun 2012.	25 November 2013
ST.70	Laporan Tahunan dan Penyata Kewangan Maktab Koperasi Malaysia (MKM) Bagi Tahun 2012.	25 November 2013
ST.73	Laporan Tahunan dan Penyata Kewangan Lembaga Lada Malaysia Bagi Tahun 2012	25 November 2013
ST.74	Laporan Tahunan dan Penyata Kewangan Suruhanjaya Perkhidmatan Air Negara Bagi Tahun 2012	25 November 2013
ST.75	Laporan Tahunan dan Penyata Kewangan Kumpulan Wang Sumbangan Modal Pembetungan Bagi Tahun 2012	25 November 2013
ST.76	Laporan Tahunan dan Penyata Kewangan Lembaga Promosi Kesihatan Malaysia Bagi Tahun 2012	25 November 2013
ST.77	Laporan Tahunan dan Penyata Kewangan Perbadanan Harta Intelek Malaysia (MyIPO) Bagi Tahun 2012.	25 November 2013
ST.78	Laporan Tahunan dan Penyata Kewangan Suruhanjaya Persaingan Malaysia Bagi Tahun 2012.	25 November 2013
ST.92	Laporan Tahunan dan Penyata Kewangan Lembaga Pembangunan Industri Pembinaan Malaysia (CIDB) Bagi Tahun 2012	25 November 2013
ST.94	Laporan Tahunan dan Penyata Kewangan Universiti Kebangsaan Malaysia (UKM) Bagi Tahun 2012.	25 November 2013

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.96	Laporan Tahunan dan Penyata Kewangan Lembaga Kemajuan Wilayah Kedah (KEDA) Bagi Tahun 2012	25 November 2013
ST.97	Laporan Tahunan dan Penyata Kewangan Lembaga Kemajuan Johor Tenggara (KEJORA) Bagi Tahun 2012	25 November 2013
ST.98	Laporan Tahunan dan Penyata Kewangan Lembaga Kemajuan Terengganu Tengah (KETENGAH) Bagi Tahun 2012	25 November 2013
ST.99	Laporan Tahunan dan Penyata Kewangan Pihak Berkuasa Kemajuan Pekebun Kecil Getah (RISDA) Bagi Tahun 2012	25 November 2013
ST.103	Laporan Tahunan dan Penyata Kewangan Lembaga Penyelidikan dan Pembangunan Perhutanan Malaysia (LPPPM) Bagi Tahun 2012	25 November 2013
ST.106	Laporan Tahunan dan Penyata Kewangan Lembaga Kemajuan Kelantan Selatan (KESEDAR) Bagi Tahun 2012	25 November 2013
ST.108	Laporan Tahunan dan Penyata Kewangan Universiti Malaysia Perlis (UniMAP) Bagi Tahun 2012.	25 November 2013
CMD.47	Laporan Tahunan Suruhanjaya Pasukan Polis Bagi Tahun 2012.	25 November 2013